

四庫全書

集部

欽定四庫全書

文莊集卷三十

宋 夏竦 撰

古詩

奉和御製看毛詩詩三章二章十二句一章八句

周道洽平聲動文成周王棄善俗移風變哀樂異心治
亂殊音心發言從影響攸同政行音類壘簾靡異實教
化之所由故能經乎天而緯乎地

生民尊祖時邁告成江漢撥亂鳬鷖持盈四詩之道始
于和平五際之變通于晦明宣宥密之基命敷邁駿之
休聲或箴規于闕政或歎咏于芳馨

溫柔之教政治之源瞽能誦兮可以諫士不學兮無以
言蓋盛衰之所繫故諷諭之攸存惟聖心兮垂思永大
庇兮元元

奉和御製迎聖像中路獲金龍送還茅山

巍巍真像範金成瑞節蒙舟遠導迎精衷勵翼符神貺

藻銜葳蕤率禮經蘭隄曉景漣漪靜神龍報降祥雲映
雙上瓊千采質明旁臨旌棹靈輝盛白臣祇肅薦華薌
承賀凝貞拜露章羲氏官名高可擬漢家年紀遠難方
鳳蓋分陰騰九色蜿蜒共戲雲裳側御天飛躍世空聞
瑞德縈盤今始識駸駸矯首仰中宸丹宸深嘉美應臻
紓禮既能疇聖日為霖當使福蒸人華陽翠壑貞靈地
星使送還彰睿志更播雲章入管絃昭昭億載傳金匱
奉和御製崇政殿宴從臣

青綺禁門符命錫離珠御府天琛積兩儀流慶會休期
二聖詒謀歸盛德大禮修真猷格懿鑠昭昭兮靡極阜
民財形物力聖志乾乾兮夕惕金扉玉宇麗皇居鳳藻
鸞蹤輝樂石龜趺螭首建靈辰鵲尾龍香奉至神日轉
翠華臨閣道天旋丹仗復鈞陳縉紳茂寵兮踰三接羽
衛鴻儀兮備九賓瓊觴傳滿兮均堯酒栢殿賡颺兮洽
漢臣奉若靈心彌翼翼布昭釀化愈淳淳

奉和御製為政歌

黼帳夜分常監寐鳳軒端委敷文治肇建元封陟介丘
寢尋思祀臨汾水茂烈馨香久際天精心勵翼彌恭已
體道推仁洽惠和斲凋歸厚蠲華侈懷柔四貊盡來庭
邊圉無塵似平砥堯德欽明惇茂族漢條寬大措祥刑
永觀禹畫同文軫更佇虞巡審量衡睿政無為猶日慎
布昭謨訓掩湯銘

奉和御製奉先歌

皇家兮仙祖上世兮聖神承雲兮分治駕羽兮臨民誕

昭兮馨烈高陟兮元真載乘土運臨三古屬象羲農振
遐武爰炳明靈陟上蒼繇繇聖緒慶悠長既積仁兮累
德爰振耀兮流芳罄二儀兮垂祐彌萬祀兮開祥巍巍
烈祖兮膺宸厯御瑤圖兮建鼇極東征西怨兮振羣黎
下舞上歌兮康庶國優游亮直顯敦仁錫羨休嘉符拓
迹四貊名王尺組羈九涯遠道安車適聖功者定實登
三方賁駿奔惟旅百赫赫神宗廓帝紘昭廣運兮洽和
平禮適素青兮汾夏子化歸醲粹兮復胥庭憲六學兮

昭地緯事七廟兮奉天經震疊威靈兮踰朔幕汪洋惠
露兮浹編氓偃節靈臺兮黜武漏魚寬網兮蠲刑三葉
緝熙兮隆紹繼皇穹右序兮隕繁祉徘徊颺歔兮授元
符焜耀樵蒸兮修茂禮思文成頌兮迪先謀多忝申歌
兮昭樂歲叅侔開闔已無為虔輦盈成彌若厲惟寤寐
兮符通實天人兮合契降僊馭兮自三清諭靈源兮踰
百世遐錫鴻休茂本枝永符盛德昭明類薦嶽冊致清
衷齋明兮顯至欵太空告繁禧監觀兮斯暨對越兮儲

精聿懷兮忘寐舄奕千齡播德芬欽崇茂典協經綸神
化有開彰密命慶基無際等高旻

奉和御製筆歌

制之精兮漢宮之雙管鋒之妙兮趙國之修毫自承掌
握濟羣用觚與槩兮難施勞古今罔不達淑慝將何逃
深仰玉蟾均硯滴詎慚金馬制書刀頡皇觀迹蟲篆興
纖端積潤八體成寫圖始告姬公瑞錯寶終傳路扈名
上聖惟聰炳帝文宸章奎畫冠生民灑翰翠珉垂膚式

珥彤丹地寵儒臣

奉和御製硯歌

南方潛璞出寒溪沉沉紫蔚凝堅姿兩儀肖象磨礱異
三趾承隅琢飾奇銀帶參華貢雙闕玉蟾分滴潤圓池
微波澄淡當晴景旌旗半浸龍蛇影輕浮春絮拂犀幹
微動日華明綺井藥簡交輝九禁深玉枝斜照中宵永
列璇臺兮今得地邇清光兮叶靈契宣絲旨兮揚聖謨
贊雲章兮熙睿志彌彰盛德冠生民務以文明化兆人

奉和御製墨歌

昔造圖書兮紀方志鉛黃丹漆兮初為貴後世增華兮
邁昔賢松煙布色兮明且妍一枝均賜官儀備九子兮
形吉禮全寫功詠德盈絀帙體物緣情徧綺牋陰山潛
璞兮琢金池相須藝圃兮事攸宜湘川青管兮東圓鋒
並列璇臺兮用本同垂大訓述微言孔墨之教兮長存
騰藻翰贊儀形淵雲之妙兮惟精上聖敦仁崇儉約厥
篚珍奇詔皆却唯許隄康歲貢臻式彰文德化生民

奉祀禮畢還京

先天密命啟禎期侯日靈文降紫闥恭館靖冥尊妙化
帝居齋祓擁純禧勒鴻昭姓增梁甫報本祈年款魏睢
真御下臨彰日監嘉生誕降示天隨丕承寶緒增寅畏
惠迪靈猷務肅祇國陽郊報尊天位欽奉后祇將合祭
仁里爰瞻嚴父祠徐鑾式徇黎萌意攸司經始兮載嚴
象物應斯兮紹至熒煌先道兮珍符煥衍參塗兮藻衛
真場合奏兮笙鏞靈趾欽柴兮圭幣三氣睟容兮仰覲

八景飛輿兮降格青祺簡簡兮淵冲瑞命襍襍兮山積
合飲譙城洽睿慈仁風溥暢宣和懌制畿睢水煥先謨
惠露汪洋敷潤澤納賈陳詩兮總舊章念功繼絕兮昭
明德近甸回衡景念新太宮歸格物華春太和充鬱層
霄外協氣周流率土濱穆穆天章騰聖域巍巍道蔭庇
生民體元化叙彝倫順則兮穹旻觀祕奧守精真謹度
兮聲身四貉兮來同千齡兮應會甘實兮積中英莛兮
發外皇哉曼壽保丕基青簡遐昭帝者儀道冠周詩心

翼翼功踰夏載日孜孜

奉和御製玉清昭應宮甘露歌

祝聖清場初展禮鴻都向曉彰繁祉鬱鬱纖枝正後凋
濃濃瑞采俄零委吉雲五色比還踈況是嚴冬歲律餘
承以玉杯甘若蜜凝于翠幄皎如珠薦宸居稱壽酒宜
大慶兮仰歸元首香馥馥旆央央建靈壇兮茂對多祥
天心信與人心會誕節將臨遽霑霈式昭真蔭祚君王
永錫遐齡齊覆載

奉和御製宣讀天書

赫赫穹符迪慶基巍巍真緒擁繁禧
控飈靈御傳天意候日珍文告帝期
奉詣喬丘彰錫祉昨壤瀨鄉修茂禮
宸闡薰被款雲興戎候耕耘縈象弭
紀號惟新歲歷呈三元初吉協休辰
徽冊奉天熙事歲丕名尊祖皇儀展
太宮薦鬯孝思伸陽位升煙鴻慶遠
瑞應紛綸百福同寅威實命務尊崇
布宣精意誠明顯申飭攸司憲度隆
將披祕蘊昭靈契欲使萬方知帝意
肆青端門詔畢旋

靈場預啟百枝燃夙陳路寢敷瑶席躬薦真香奏瑞煙
三辰淳耀居齋室階滿祥英當望日大裘陟降既登歌
羣后延登皆上笏元輔披滕聖訓揚樞臣援翰寶文彰
有虞出洛龜休躍唐氏街圖鳳罷翔辭若洞章皆撻句
字如龍篆宛分行森沉虎旆嚴真衛肅穆珠旒增潔志
敬受丹書宜易俾式旌玉刻誠難繼修修羽帳降星辰
杳杳飈旂駐聖真庭際煙霞輝晔晔天中鸞鶴羽翬翬
微密妙言爰備舉鴻盛則已宣臻一一嘉猷保元后

諄諄深旨為含生寫成別笈緘藏密薦獻禮周彌襲吉
恍恍真心顯道樞穰穰景佑歸宸歷升聞璿宙洽神歡
昭紀琅函為睿式萬靈潛衛極寅威九序相趨皆勵翼
餘寓彌隆清淨風虛晨益鑒馨香德豈獨飛英冠百王
祇延道蔭永歡康薰弦濟發南風詠丕顯清衷報彼蒼

奉和御製幸金明池

朱輅乘時分出曉烟飛梁承幸兮斗城邊慢省蔭堤兮
楊葉閣星旄藻岸兮物華妍珠網金鋪兮豫章館風檣

桂楫兮木蘭船象潢儀漢兮澄波遠激水尋橦兮妙戲
全佇帝暉兮凝制蹕人煥衍兮歡心逸嘉流景兮延邇
臣樂清明兮麗新曲

奉和御製七夕


紫皇宴服出瑤臺仗下涼宵水殿開初月上弦光汎灩
橫河案戶勢徘徊扇分蘭露侵衣滴簾捲天香拂帳來
閣道森沉飛絳節龍璫鳳吹凌霄發琥車縹緲際煙渚
鈎砌迢迢望雲闕百子池深列宿分九微燈淡纖塵絕

雲屏輕筵貫雙針彩縷紫風勢不任露挹瓊蘇敷碧席
明霞照地光無極西漢元封五葉時猗蘭雲輦會真期
何如法坐嘉蕃熟高振薰絃播緝熙

黃鶴樓歌

城上危樓高縹緲城下澄江復相繞有時漾影入中流
俯看魚游仰飛鳥近樓多少未行舟滿江落花灑汀洲
人同江狎不怕浪登樓對酒彈箜篌大別山頭白雲起
金口渡邊雨如洗半鉤新月上孤城還照高樓與江水

晴江依舊瀉潯陽黃鶴無由歸故鄉一聲玉笛起何處
燕撲闌干花影長



大莊集卷三十

欽定四庫全書

集部

文莊集卷三十一至三

詳校官監察御史_臣李陽城

檢討_臣何思鈞覆勘

謄錄監生_臣馮克鞏

謄錄監生_臣董誠

謄錄監生_臣王人作

欽定四庫全書

文莊集卷三十一

宋 夏竦 撰

五言律詩

三月施州進金色小龜

清江涵德澤嘉瑞效靈龜
巢葉形偏小如金色最奇
玉靈慚異質繹屬近幽安
騎置遙承獻觀圖仰帝祺

大中祥符七年七月錦州奏天慶觀修聖祖殿
畢五色雲三朶各方丈餘見於殿上

仙祠成祕殿遠郡在廬陽旭日初流景卿雲忽降祥三
枝分玉葉五色照琳房元后成真蔭欽柴報上蒼

八年正月天慶節上清宮行香錫慶院御筵日
揚輝有非煙非霧之雲

寶籙標嘉節需雲錫惠筵烈暉騰愛景瑞彩擬非煙焜
耀璿霄外輪囷絳闕前居歆方屢告偉兆溢祥編

明州進芝草并圖

四明開奧壤三秀發靈芝如蓋殊形聳無根瑞氣滋晨

數台嶺異日茂下房奇善氣方回復充圖獻玉墀

奉御製讀史記詩

三首并注

陶唐明歷象

堯欽若昊天歷象日月星辰

茂氣與天通

堯明時正度茂氣所生民無大

疫

舉正分星度

以四方中星定分至

歸餘定歲功

以閏月正四時

孟陬名

不殄南正道彌隆

顯頊命南正重司天三苗亂德孟陬殄滅堯復重黎之後使典之

自

此垂三代循環協大中

三王之正如循環窮則反本

昭昭齊魯事千載著良箴

齊魯報政可為箴規

欲辨為邦體先觀

布政心

為邦之否臧繫政之繁簡

變民非遠畧

伯禽曰變其禮俗革其禮

從簡是

徽音

太公曰簡其君臣禮從其俗

北面無餘意誠因惠物深

周公曰魯後世

其北面

事齊矣

漢武將從禪須如亟釋兵

武帝將封禪先北巡釋兵于須如

甘泉誠

祀

武帝至甘泉為且用事太山先類祠太一

喬嶽紀尊名

司馬相如封禪文云建顯號施尊名

加禮崇休祉

武帝上封畢繼諸奇物頗以加禮

修封蓋號榮

漢武帝凡五修封封

禪文曰蓋號以況榮

豈同承帝籙肆覲正權衡

國家奉元符封云岱肆朝覲考律度

非漢所及也

奉和御製讀前漢書

三首并注

鄼侯依日月

贊曰蕭何漢興依日月之末光

天漢叙隆昌

沛公初不欲王漢中何曰

語云天漢其稱甚美

邁德居三傑

何與張良韓信為三傑

觀時定九章

何攜秦

法取合于時者作律九章

過因王尉辯

何為民請上林空地廷尉王衛尉諫出之

功賴

鄂君揚

諸將爭功鄂千秋進曰何功當第一高祖曰何雖有功待鄂君乃得明

終以同心

美

贊曰何與曹參二人同心遂安海內

清寧贊後王

曹參相惠帝民歌曰蕭何為法講若畫一

曹參代之守而勿失載其清靖民以寧壹

子房天授漢

沛公常用張良策良曰沛公殆天授

不戰道尤尊

良未嘗有戰鬪功而

為王者師祕法盈編受

父老授良書一編迺太公兵法

危機借箸論

酈生謀撓楚權

良借前避封昭止足

良避齊三萬戶

辟穀厭塵喧

辟穀不食穀

莫訝

蕭規茂從容有緒言

良勸高祖立蕭何為相從容言天下事甚衆

高祖寬仁主

漢高寬仁大度

淮陰變詐才

贊曰韓信等皆微一時之權變以詐力成

功設壇誠有禮

高祖設壇場拜信為大將

推食本無猜

信曰漢王授我上將軍帥

數萬之衆解衣衣我推食食我言聽計用

懷惠初顯若

武涉蒯通說信信終不忍背漢 夸功

抑殆哉

信對高祖曰陛下不過能將十萬臣多多益善

何如中正者千載仰高

裁

贊曰異姓而王者八國終于滅亡惟吳芮之起不失正道慶流支庶著於甲令而稱忠也

奉和御製讀後漢書詩

三首并注

明帝章朝物

贊曰備章朝物

三雍復舊常

光武建三朝之禮帝始行之

籛金

賞西域

永平中復通西域諸國皆遣子入侍西域傳序曰先馴則賞籛金

雅樂奏南陽

十年帝幸南陽祠舊宅作雅樂

拜老鴻徽茂

贊曰臨雍拜老

祈農盛典彰

帝耕籍田

以祈農事

珍符昭美應獻壽表隆昌

百官以帝祥物顯應奉觴上壽

獨行懲澆俗

歷代惟後漢書有獨行傳序云以事非圓通而風軌有足懷者為傳云

嘉名

動遠荒

王烈以德威人居遼東夷人奉之

至誠祈夏雨

諒輔為廣漢五官掾積薪祈請

未日中而雨世稱至誠

嚴意勵冬霜

序云意嚴于冬霜戴就陸續也

果行推陵險

序云蹈于陵險繆彤李善也

豐規歎履方

贊曰乘方不成注云獨行之人乘履方正

孤高

惟大遜壽考茂祺祥

李充字大遜有高節年八十為國三老

昭公詳漢律求比禮三千

陳寵字昭公為廷尉鉤校律令求刪除為三千條以應禮

威儀三千刻散深文息

寵為奏每附經典從寬恕深文刻散于此少衰

寬平治德全

寵上言願蕩滌煩苛以全至德章帝納之務于寬厚

芳猷宣輔弼

寵為司空奏議溫粹為相稱職

餘慶茂忠賢

寵子忠為尚書令忠正敢言

方驗來嘉瑞仁矜理最先

章帝納寵言除慘酷科禁五十餘事是後人俗和平屢有嘉瑞又云寵性仁矜

奉和御製讀三國志詩

三首并注

白馬當塗兆黃家得歲興金符威既重玉版事堪憑漢

火承前運
燕龍合舊徵
青雲開後葉
下武倍兢兢

白馬令李

雲曰許昌氣見于當塗高者魏也或遺太祖書曰黃家當立芝曰得歲星者道始興今歲在大梁魏之分也太祖初封魏王受虎符春秋玉版曰代赤者魏公子蘇林曰魏以土德承漢之火漢熹平中黃龍見燕單颺曰其國當有王者不五十年亦當再見中平四年文帝生于燕延康元年嗣魏王位黃龍復見文帝之生有青雲如車蓋當著漢太宗論曰尉佗稱帝撫以恩德吳王不朝賜之几杖時孫權不服班其論于天下亦不願征伐也

許昌功未逞
江表地初平
漢帝居非遠
吳侯志欲迎
壯

圖雖未遂
嘉慮實惟精
終闕尊崇禮
何關慎器名

曹公都許

昌孫策平江南曹公力未能逞以弟女配策小弟匡後曹公與袁紹相拒于官渡策時為吳侯陰欲襲許迎漢

帝遭刺客不遂評曰劉據江東策之基兆也而權尊崇未至孫盛曰權豈吝名器者乎

家乘桑蓋瑞國富卧龍才漢水神暉徹靈圖密命開橫

天嘉氣應繼日景雲來儻乏英雄器三分亦殆哉

先主舍東

南有桑如車蓋或謂當出貴人徐庶謂先主曰諸葛孔明卧龍也劉豹等上言曰河圖洛書皆有備稱皇之文又時有景雲祥風從璿璣下來數有氣如旗從西至東中天而行必有天子出其方評曰先主有高誼之風英雄之器時與吳魏三分天下

奉和御製讀晉書

三首并注

安石陵霞致

謝安字安石史臣曰蕭然有凌霞之致

清言振玉音

安少詣王濛清

言濠曰此客齋
壺為來逼人

鴻勲濟世久

劉裕以安
勲德濟世

厚德感人深

新安

城築埭後人追思
之名為召伯埭

朱組雖然襲

史臣曰安
禰薛

虛舟豈

易沉

贊曰太保
浮沉曠若虛舟

東山高志在瀟灑謝塵襟

安雖受朝
寄然東山

之志始末不
渝形于言色

李重推清雅初傳友愛名嘉言為時發大誼傳經明崇

德誠堪慕修身豈易傾留心眾才舉千載仰銓衡

李重
清雅

以友愛著稱贊曰嘉言在茲重遷中書郎每疑議參以
經典為平陽太守崇德化正身率下為吏部郎羣才畢

舉史臣曰重銳志
銓衡留心隱逸

士行勤武力機鑒信良哉國賴桓文業人推葛陸才殊

祥雙鶴至吉夢八門開終始全高節誠因左翼推

陶侃字士

行累立武功嘗運甕齋外曰吾方致力中原恐不堪事
其勵志勤力皆此類也侃機神明鑒似魏武忠順勤勞
似孔明陸抗成帝詔曰乃者桓文之勲伯舅是憑初侃
丁母憂有二客來弔化為雙鶴冲天而去又夢飛上天
見天門九重已登其八墜地傷左翼

奉和御製讀宋書

二首并注

漢宗開聖緒

宋武帝漢楚元王交之後也

得歲與周同

帝初封宋公歲在大火與

武王克商同

金石終移律

史臣曰至于金石變聲柴火改物

山河始誓功

宋

公策曰永祚山河

飛名傳祕記

河洛識曰二口建戈不能方劉字也空穴無主奇八中寄字也

女子獨立又為雙奴字也

嘉識起游童

童謠曰木亘當北度走入浩浩鄉金刀既以克疊疊金城

中木亘言桓靈寶也金刀劉也疊疊盛也

能使姦豪讐誠為一世雄

桓靈寶曰帝足

為一世之雄

鎮惡才明舉英雄想冠時推鋒平內侮直指定西陲向

使鴻勲就寧憂霸業衰如何喪方召遺烈漫傷洛

王鎮惡平

劉毅于江陵滅姚泓于長安餘寇未殄為沈田子所害宋高祖表之曰鎮惡機略明舉又曰荆南構釁憂兼內侮鎮惡輕舟先邁一朝霧散王師西伐有中原入渭之捷指麾無前實國之方召也殊績未酬宜蒙追寵贈左

將軍史臣曰鎮惡推鋒直指前無彊陣

奉和御製讀陳書

二首并注

猛奴多勇槩大稍事戎征

周文育小字猛奴父蒼令兄子辭教書計文育曰誰能學

此取富貴但有大稍耳

新蔡兇圍陷

文育往新蔡慰勞白水蠻謀執之文育前鋒陷陣勇冠軍

中魚梁寇壘傾

初武帝表文育為府司馬李儂任將杜平虜于魚梁作城文育擊之平虜棄城

而走遡風輕古法

武帝拒徐嗣徽將戰風急帝曰矢不遡風文育曰何用古法抽稍上馬衆軍隨

之風亦

間道貴奇兵

余孝頃舉兵應蕭勃文育燒柵偽退間道信宿達罕韶據其中間築

城饗士賊徒大駭

懋賞宜開府番禺已盡平

文育平廣州以功授開府

靈洗雖驍勇

程靈洗少以勇力聞

忠規詎可輕石城嘗力戰

靈洗事王

僧辨武帝誅僧辨靈洗力戰于石頭西門招諭久之乃降帝深義之

黥歛本連盟

初侯景之亂靈

洗據黥歛聚徒拒景奉新安太守蕭隱主盟

京口殊勲茂

武帝授靈洗蘭陵太守助防京口平

徐嗣徽有功封侯

臨川叛寇驚

周迪重寇臨川靈洗為都督擊之迪走山谷間

既能明

號令何惜務寬平

靈洗性嚴急御下苛刻而號令分明與士卒同甘苦衆亦以此德之

奉和御製讀後魏書

三首并注

偉哉登國世靈武定戎兵拓土能圖大求才實勵精公

侯新爵重臺省舊風清自匪謨長世鴻圖豈易成

道武奮其

靈武遂啟中原拔擢才識憲章故實制爵四等追錄舊臣啟建臺省悉用文士制作經謨咸在長世登國道武之紀號也

高祖寬仁主哀矜信有餘嚴刑幾盡措黎庶獲安居舊

法躬刊定繁文再剗除既平財謁路清白勵簪裾

高祖馭宇

留心刑法詔曰參詳舊典務從寬仁帝哀矜庶獄卒從降恕京師決死獄歲不過五六置謹法者數百人防喧關于街衢使民安其職業命中祕官修改律令舊文經御刊定詔曰門房之誅猶在律策可更議之刪除繁酷又遣使循行天下糾守宰之不法食祿者跼蹐財謁之路殆絕

真君昭密命紀號表興隆瑞著洪河外文成翠石中帝

名傳祖禰歷數感王公三五方興運明符事亦同

世祖奉天

文圖錄紀太平真君之號五年樂安王範等奏曰臣聞帝王之興必有受命之符三五之盛莫不同之今張掖郡列言大柳谷石青質白章成文記國家祖宗諱著受命歷數之符王公已下莫不感動

奉和御製讀北齊書

二首并注

段氏推忠武論兵特造微歷朝功並建諸將令咸依重

位無矜色高門有德輝當時勲貴族孰不仰家肥

段韶謚忠

武善于御衆得將士心臨敵之日人人爭奮教訓子弟閨門雍肅當世勲貴之家罕有及者高祖曰吾與韶論兵殊有英槩史臣曰韶輔相七君志謝矜功名不逾實又贊云韶大其門望以德尊

咸陽誠赴赴倚任極維師貴勢隆門緒忠誠翼帝基享

年常戒滿避寵或興洛不學良無媿嘉名已自垂

斛律金為

太師封咸陽郡王一門一皇后二太子妃三公主尊寵之盛當時莫比嘗謂子曰我雖不讀書古來外戚無不傾滅我家直以立勲抱忠致富貴豈藉女也嘗以為憂史臣曰金以高祖撥亂之始翼成王業忠款之至成此大功故能終享遐年位高百辟觀其盈滿之戒見勲之幾微者也又贊云赴赴咸陽邦家之暉

奉和御製讀後周書

三首并注

思道懷庶慎童年類老成郡豪嘗讐服邊寇亦清平臨

難輸忠節辭榮保令名賢哉蹈仁義舉世可為程

泉企字思

道九歲類成人授討寇將軍屢破邊敵為雍州刺史豪
右屏迹忠尚廉慎每除一官憂見顏色至於頻辭史臣
曰企臨難慷慨有人臣
之節豈非蹈仁義歟

南荆推德厚千里遠從師奧識通三教清聲冠一時就

招雖暫至戀本固難移故老稱前事儒宗道益滋

沈重字德

厚專心儒學從師不遠千里仕梁為都官尚書周太祖
致書招之令于紫極殿講三教朝士儒生桑門道士至
者二十餘人凡所解釋咸為所推後表請還梁高祖詔
答不忘戀本深是嘉之傳序云高祖命輔軒而致玉帛
招沈重于南荆史臣曰每聞故老稱重所
學非止六經故能馳聲海內為一代儒宗

遷哲承華緒深謀事戰征艱危思大節慷慨得羣情惠

愛均戎旅威名震敵城江陵摧寇勢宵遁賴奇兵

李遷哲少

仕梁襲沌陽侯慷慨善謀畫羣下甚得其情後降周太祖問之對曰世荷梁恩不能死節太祖嘉之拜車騎將軍往畧巴蜀皆望風送款與士卒均食親加醫藥故軍感之人思效命後陳寇江陵遷哲往救乘間出兵擊之陳人乃遁

奉和御製讀隋書

三首并注

里仁懷遠度大雅擅嘉名制禮通時變求書贊治平推

心清選舉從儉化黎氓終始承恩遇芳猷冠老成

牛里仁為

祕書監請開獻書之路為太常卿定雅樂議新禮為吏部尚書務在審慎推心任委隋之選舉于斯為盛里仁

榮寵當世車服卑儉隋室舊臣終始信任一人而已史臣曰里仁懷曠遠之度可謂大雅君子矣

榮定誠嘉器攀鱗屬盛時賞勞恩特異知足志惟熙壯

節承昭感崇基保燕詒但能思衛霍自可比著龜

寶榮定沉

深有器局娶安成長公主少小與高祖相厚後以佐命功拜上柱國遷秦州總管逐虜于高越原無水榮定仰天太息俄而澍雨帝欲以為公榮定上書云西朝衛霍東都梁鄧寵積驕盈必致傾覆上乃止史臣曰榮定運屬時來以功懋賞保其祿位

貽厥子孫崇基弗墜盛矣

子蓋懷英斷南荒久駐留清通承眷獎恭順望巡游異

寵榮鄉黨丹誠破寇仇邊民思舊愛刻石在西州

樊子蓋為

循州總管十年授武威太守煬帝下詔曰子蓋幹局通敏履操清潔又曰宜加褒顯以昭獎勵後帝幸隴川宮子蓋傾望鑾輿帝下詔曰卿夙懷恭順聞朕西巡欣然望幸是歲朝于江都帝曰富貴不還故鄉衣繡夜行耳勅廬江郡設三十人會使謁墳墓當時榮之及留守東都破楊感帝謂曰楊感之反神明故以彰公赤心耳後武威吏民刻石頌德

奉和御製讀唐書

三首
并注

天祚文皇德元成雅道施納忠裨闕政偃革致昌期宴
喜刀方解人亡鑑遽隳數行遺奏在猶可動神祇

魏徵
字元

成太宗嘗曰徵勸朕偃革興文天下大寧又宴日謂侍
臣曰徵獻納忠諫古之名臣何以加也解佩刀賜之徵

亡太宗曰朕以三鑑防己今亡一鑑矣遣人就宅得遺表一紙數行可辨云任善人則國安任惡人則國危公卿之間時有愛憎所宜詳慎太宗曰侍臣可書之於笏史臣曰徐邈山濤謝朓比文貞雅道不有遺行乎

哲輔延清問元和致治平從人成庶務求瘼濟羣氓務

遠能無怠求材可倚成乃知虞舜德恭已固難名

元和初杜

黃裳為相憲宗問以前代帝王之事對曰帝王之務宵旰以求民瘼捨己從人不宜怠肆安逸事有綱領小大當務知其遠者大者固不可代下司職但擇人委任責其成效傳稱帝舜之德曰夫何為哉恭己南面而已

賢哉段忠烈振迹自邠寧動必懷剛毅何嘗廢典刑英

規方貫古樂石諒難銘密議初如用艱危豈易形

段秀實初

為安西別將節度梁宰懷異圖秀實直言折之尋為邠寧都虞候號令嚴一軍府安奉代宗聞而嗟賞之後笏擊朱泚遇害德宗褒贈甚厚官為立碑初秀實諫以禁兵少不足以備非常德宗不能用後文宗時宰臣李石曰自古沒身以衛社稷者無如秀實之賢

奉和御製讀五代梁史

二首
并注

李唐危漢祚巢寇盛黃巾嘉士逢多難忠言變逆倫決疑歸大順定策戮姦臣宜享崇高贈千年道更新

唐李之亂

危于漢末巢寇之黨盛于黃巾進士謝朓投迹梁祖說以歸順唐室梁祖曰我意素決又復何疑即日定策戮偽監軍使悉眾歸順僖宗授睦太子率更令開平初追贈司徒

贊貞懷武驚轉關歷炎涼誠感泉源異兵嚴士庶康臨

危見忠憤對敵擅威強終始心無改遺言更可傷

牛存節字

贊貞武驚有大節威名聞于敵境戰關累載有功初授
潞州步軍都指揮使法令嚴整士庶安之為同州節度
使岐人迫城城中井水鹹苦人不可飲存節乃肅拜虔
祝擇地鑿八十餘井味皆甘淡以為至誠之感病渴且
消河北用兵存節忠憤彌篤未嘗言
病將終戒其子以忠孝不言及他

奉和御製讀五代史後唐史

二首
并注

燕趙生奇士仇方決志平十年常竭節一劍早知名自

取河南鎮終辭霸府兵飛鷹昭慶路窮達有高情

符習少事

王鎔鎔為張文禮所害訴于莊宗曰臣本趙人事王氏故使常授臣一劍俾臣平蕩兇寇願悉本軍誅其逆黨莊宗令閻寶等助討之誅大禮莊宗割相衛二郡置義寧軍以習為節度習對曰魏博六州見係霸府不宜遽有割隸但授臣河南一鎮臣自攻取乃授天平軍節度莊宗十年沿河戰守常以本軍從心無顧望後安重誨不說授太子太師致仕歸故里趙州昭慶縣飛鷹痛飲周遊田里史臣曰符習乃趙之奇士也

長興東鈞者子晦道攸隆剛介昌言遠忠清茂澤豐懿
文常體道妙略早從戎可惜虧同德當年阻建功

李愚字子

晦長興初入相後秦王恣橫權臣避禍不暇無敢言者愚性剛介往往形言人無唱和者不治第宅官借延賓館居之常有疾近臣宣諭延之中堂設席惟莞秸明宗特賜帷帳茵褥嘗為文曰仲尼遇顏子壽等篇人皆稱

之初以翰林學士從魏王征蜀安重誨問計皆中後馮道出鎮與劉昫同在中書昫與道婚家或舊事不便要釐革者對論不定由是罷相

奉和御製讀五代晉史

二首
并注

子文懷妙識奧學洞天常恬淡游蓮幕謙虛踐玉堂至

仁周僕御大雅變詞章慎默誠無怠危機可盡防

崔棣
字子

文好學博涉經史閒居二十年專以著述為事王瓚表為從事性恬淡不汲汲于榮利為翰林撰樂章新詞教舞童歌之高帝嘉之有人借文本寫者則曰有前賢有來者安用此端坐寡言嘗云非止致人愛憎或干人之忌諱指命僕役亦用禮節盛暑祁寒不使冒犯

大雅懷忠孝當年效戰征詢謀無敗事臨敵有奇兵安

陸祆狂殄宗城寇難平察廉能惻下何患政難成

馬全節字

大雅歷博軍郢沂四州刺史在郡有政聲遷金川防禦使會蜀兵攻城出奇拒戰賊乃退後為義武軍節度國家有所調發朝受命而夕行治生餘財必充貢奉事母王氏至孝溫清面告畢盡其禮動與幕客謀議政鮮有敗事鎮中山日杜威奏括民粟全節曰邊民遇蝗旱家食方困官司復擾之則民不堪命矣我為廉察安忍效尤百姓稱其德史臣曰全節平安陸之祆預宗城之戰功既茂矣貴亦宜然

奉和御製讀五代漢史

二首并注

危邦有賢哲力戰鎮州平革弊還疲庶從寬悅衆情愛

人惟責已徇節幾忘生青史惟馨在千年仰令名

王周
累歷

郡守安重榮以鎮州叛從杜重威討平之授貝州節度使移鎮涇州前帥張彥澤苛虐部民逃者五千戶周下車革前弊逃民復歸遷鎮州節度稟性寬惠人庶使之杜重威引契丹臨城諭之周曰受國重恩不能死戰而以兵降何面目南行見人主與士大夫乎乃痛飲欲引決家人止之初守信都橋敗覆民租車周曰刺史之過也乃還所沈粟出私財以修之民庶悅焉史臣曰晉漢之際取符竹者多矣其間有及民之惠如王周之閭政者蓋其優者也

求益誠賢牧廉平致樂康歡謠騰近輔盛典茂徽章舊

相親褒記黎民競感傷豐碑應不朽千載咏惟良

劉審
交字

求益累任州郡綏撫有術凋弊復蘇為汝州防禦使汝為近輔號稱難治審交盡去煩弊百姓歌之卒郡人聚哭乞留葬立碑起祠詔曰褒賢獎善豈限異章可特贈太尉吏民所請宜依故相馮道曰知其為人庶平慈善無害之良吏也吏民懷感如此著痛哭詞六章鐫於碑陰

奉和御製讀五代周史

二首
并注

文懿艱危際虛心自晏寧依違慙問戰閒淡貴無刑鎮

俗懲浮躁尊儒鏤典經忠誠虧美謚良足媿幽靈

馮道
厯相

四朝雖逢艱危不易其度懷才抱業者皆引用履行浮躁者必抑而鎮之節制同州日閑淡獄市無擾晉祖嘗以兵事問道對曰神武睿略須從獨斷臣本自書生為陛下在中書不敢有一毫之失也命學官刊板流布議

曰文懿史臣曰事四朝相六帝可得謂之忠乎不得謚為文忠文正者蓋謂此矣

文伯懷明識英規世所推濟時陳策畫急用備論思隘

郭爰增廣煩音亦改為溫恭非不濟感遇志如茲

王朴字文

伯世宗時言平邊策世宗重其器識世宗以英武自任有包舉天下之志計事者不喻其志惟朴神氣勁峻性剛決有斷凡所謀畫動愜世宗之意故急于登庸為端明殿學士命廣京城靡不由其心匠未幾遷樞密使星緯聲律畢殫其妙所撰律準並行于世史臣以為太剛不能濟之以溫恭臣以為朴感世宗之遇急於行事無所顧望故如斯也

文莊集卷三十一

欽定四庫全書

文莊集卷三十二

宋 夏竦 撰

五言律詩

奉和御製中和節

中春邁初吉嘉節著芳名
習習微和扇欣欣萬物榮
雲融纔化鶴谷暖已遷鶯
朝野多歡日風謠會頌聲

奉和御製會慶殿宴

禁門乘曉會宴豆示慈伸
激水龍騰久儀韶鳳降頻
雲

章流漢筑衢酒洽堯民百辟皆星拱兢兢奉北辰

二月昭州奏正月一日設醮上玉皇表燒錢次
有鶴一隻翱翔久之西北去

平樂初正月虛晨薦號時瑞塲燐碧幣僊驥駐霜儀煙
頂方遙辨星精想下闕天門俄翼去杳靄瑞煙披

野步

顧步方塘上西郊日漸曛歸心臨遠渡晚色在閒雲
勢蜂腰接谿流鷺尾分田歌知有意豐美謝明君

謹案
東軒

華錄云夏竦以父歿王事得三班差使然自少好讀書
工為詩一日攜所業伺宰相李文靖沆退朝拜於馬首
而獻之文靖讀其詩有山勢蜂腰斷溪流燕尾分之句
深愛之終卷皆佳句翊日袖其詩呈真宗及叙死事之
後乞與換文資遂改潤州金壇主簿據此則沆所見乃
野步詩也其改攏勢為山勢改接為斷或東軒筆錄得
於傳聞故有不同耳至厲鶚宋詩紀事但存
山勢二句而不載全詩則以未見竦集故也

秋曉

半庭殘月在江郡鼓聲初秋氣滿南國曉雲高太虛負
霜鴻翼健含霧橘花踈此景無人共朝陽入敞廬

靈溪

剡東溪溜合一派貫天台白鳥蒙灘下青山倚岸迴波
心晴景動渡口晚煙開咫尺通滄海千帆自去來

馬跑泉

天驥何年往龍泓此地存空餘曳練色莫辨褰蹄痕赴
海妨苔甃涵虛礙竹軒會當逢禹鑿始可見鴻源

天台道中

驅馬天台路悠悠漸向晨雲開忽見寺山盡偶逢人細
雨踈篁長微烟古木春行行遙驛道落吹起輕塵

案此
詩原

本闕今從北宋
人小集增入

石梁

斷澗橫幽石蒼苔古木陰
欹危接山腹迢遞過雲心
峭

壁峙千仞飛流下萬尋
秦人若驅策蓬島路非深

按此詩原

本闕今從北宋
人小集增入

晚望

雨霽吳城晚谿泉四散流
禽歸半峯樹人在夕陽樓
國望分江海星躔次斗牛
堪嗟興廢地千載有閒愁

鑑湖晚望

新霜脫衰葉寒日下踈蓬岸細低疑盡波平闊似空橋
通越谿水帆帶剡川風何處鳴簫鼓叢祠杳靄中

舟行即事

微陽下江樹秋葉泛殘紅鴈背寒塘雨帆爭晚渡風寺
橋人倒影漁徑菊分叢正是承平日輕艘萬派通

吳中懷古

覽古長江上明時起嘆嗟水流吳國苑花入野人家夜

氣銷龍劍秋星見客槎
淒涼館娃樹西日映平沙

桐栢觀

鳥道寒藤結洞門
蒼蘚深樓臺在山畔
松檜出雲心土

暖春長在峯高月
易沉羽衣祠太乙
香冷石壇陰

此詩原本

缺今從天台
山志增入

喜种隱君授正言直館

鶴版招幽士
龍墀襲茜袍
道因閒上得名句
隱中高密
地棲芸閣清塗歷
諫曹終南明月夜
松檜自蕭騷

贈海州使君

天衢未得便假道海邊城任大纔勝器官閒不稱名勸
農吟少暇憂物睡常輕見說行春處和風滿旂旌

贈縣宰

俸輕官且冷君喜在親民村路不聞犬縣城長似春架
高書少壺廳靜隙無塵考滿留碑去清風勵後人

贈逸人

鳳鳥來為瑞達人垂羽翰語因希聖古詩為惜名難奉

華僊標峻江湖酒量寬孤琴有舜曲留我月中彈

送張學士赴闕

東觀嘗聯袂南州各退飛同傾就日戀先喜賜環歸舊
業懷鉛筆晨裝振綵衣離絃有餘思淒切寄南徽

送益州同理張殿丞

遠指三川路初辭六尚班占星度危棧叱馭下靈關職
亞銅符重兵銷玉帳閒漢臺誰視草應待長卿還

送人出牧

聖主念元元良臣選掖垣紫墀分使節紅旆出都門雪
淺斜陽路雲深晚燒村暮年如報政應許賀新恩

秋日送人南遊

幾驛蘇臺路輕裝轉塞蓬夜船千櫂月寒酒一旗風水
間菰蒲老山明橘柚紅算君回首處曉色五湖東

秋日送人西上

旅程看驛道西去興何如南國秋霖後斜陽樹影踈野
光飛翠羽溪艷照紅渠好去朝端客人爭草薦書

送人

野色兼行色長亭一送君
束書登古路重繭踏寒雲
山過天台小溪臨婺女
分流光須強學當宁正宗文

留題友人郊居

羣書架寒壁庶事得從容
花木移諸寺雲泉借數峯
積陰春作雨瘦竹老成筇
應笑南陽士明朝久卧龍

卜築遠朝市著書成歲功
長雲覆孤木古道滿清風
地勝花房異山靈雨氣通
綸巾不可戀鶴版下關東

代村叟

安居近幽谷井賦籍良田聖代無深隱家山不直錢
候耕看上脉祈穀賽豚肩城市知何處鐘隔暮煙

國清寺

穿松渡雙澗宮殿五峯圍小院分寒水高樓半落暉
葉

從金地下

寺東北峯有智
者金地道場

雲向玉京飛

寺之西洞
有玉京天

欲問

西來意誰傳智者衣

善慧師禪齋

是誰名作佛何法謂之禪恍惚起無象逍遙出自然有
修皆障礙欲問即攀緣寄語猊牀客心心不易傳

虎丘僧舍閒望

勝地訪靈蹤層樓四檻風遠陰生曠野午影轉疎桐澗
水霞凝紫谿煙日襯紅可憐秋思晚相倚館娃宮

文莊集卷三十二

欽定四庫全書

文莊集卷三十三

宋 夏竦 撰

五言排律

奉和御製瑞雪

朔吹淒寒序繁英降美祥潤將膏露接時契聖心彰不
夜蟾輝滿先春柳絮揚龍沙度北野鵬素失南鄉帝苑
敷瓊藥神池瑩玉塘薰絃俄發詠風雅邁岐昌

宣賜翠芳亭雙頭並蒂牡丹仍令賦詩

華景當凝煦芳叢忽效竒紅房爭並萼絢葉競駢枝綵
鳳雙飛穩霞冠對舞歌游蜂時共翥零露或交垂勝賞
回金蹕清香透黼帷兩宮昭瑞德天意豈難知

奉和御製玉清昭應宮天書閣瑞應

盛德靈謀協元符寶字披真宮肇高閣精意感鴻禧曉
箭傳初刻朝陽吐半規祥煙五色麗嘉氣九華滋汎灩
金光溢扶踈玉葉垂堯心膺眷佑欽翼愈孜孜

奉和御製滋福殿清醮聖祖天尊大帝尊像瑞

應

宸闡啓瑞場祇畏感穹蒼紫幄威神格清宵景曜彰
旌承宇列僊驥度雲翔佇霞轡歆馨挹鳳觴蘿圖
千葉固山壽萬齡昌玉籙流宸唱函蒙播美祥

奉和御製天書道場觀神雀

齋明尊寶錄祇肅建真場上帝靈心顯中宵瑞羽彰
豐慚美應上雍喜嘉祥彩仗留輕迹彤霞混葆章乍衝
香馥郁高映繚熒煌雲漢敷宸唱繁禧浹萬方

奉和御製冊府元龜了畢

文德洽隆平蓬山蠹簡盈漢金方盡購秦石諒難程稽
古承先志宣猷聚世英刊修百家備紬繹十年成休沐
當冬日多歡奉相衡豈期頒睿藻何以報茲榮

奉和御製告玉清昭應宮太廟禮成

時巡將順豫吉禮協休成先道真文肅徐鑾瑞氣平密
都嘉薦備太室令芳呈清越鏘金奏齋莊儼翠纓喬雲
朝薈蔚花雪夜縈盈煥衍昭繁祉千齡表盛明

奉和御製真遊殿成詩

宵晤靈猷顯彤庭藻衛臻鳳輿回八景龍旆駐三辰太
古仙儀接虛皇密誨伸天枝鴻緒遠殿翼舊規新寶勢
承基壯祥輝燭地頻叢楹虹帶繞彩制玉霄隣致孝常
尊祖祈禱永庇民巍巍局禁內億載奉元真

奉和御製衣大酺

瘞玉祠真時還衡格闕宮策勲恩已盛合醪慶彌隆法
坐臨雙起清音奏六同羽毛秋色麗簪紱曉光融寵宴

均堯酒宸章起漢風羣生遂息藻何以報層穹

賞花釣魚應制

上苑乘春啓奇花效祉新連房紅萼並合榦綠枝勻翦
獻尊長樂分頒寵輔臣從遊過水殿凝蹕近龍津黼座
臨雕檻文竿引翠綸波香投桂餌萍暖漾金鱗湛露芳
尊酒鈞天廣樂陳多歡千載遇何以報嚴宸

延福宮雙頭牡丹

禁籞陽和異華叢造化殊兩宮方共治雙蘂故聯跗嚮

日檀心並承煙翠幹孤游蜂須並翼凝露亦駢珠曉檻
香俱發晴階影對鋪君王重天貺臨寫冠珍圖

奉直園雙頭芍藥

奉帝名園麗翻堦淑艷新一叢芳醞綻四朶絳跗聯朱
李應雙結蘭釭忽並燃異瓜綳蒂合嘉木翠枝駢映葉
交霞袂迎風疊綺錢流祥在圖素千載冠嘉蓮

講徹禮記崇政殿開宴應制

賜花內
出口味

幄坐尊儒術華光御講筵爰開栢梁宴為畢曲臺篇法

從飛綏接藩房綺組聯賜花均綵萼陪鼎雜冬鮮甘潤
聲詩洽芳蕤注籍傳師臣咸拜手歸道黼帷前

皇帝聽講尚書徹太清樓錫宴

洛書初罷講漢苑特開筵將許陪旒展先容閱簡編神
宗遺札啓真祖寶文宣密坐瞻堯日凝心聽舜弦賜花
綉葉綴勸酒玉卮傳恩重天難報肌膚豈易鎬

觀唐明皇山水字流杯石應制

開元留翠刻昭代奉宸游綠酒聯杯汎紅泉滿字流澄

清涵玉宇潋灩轉銀鈎霄堦奎躔布龜圖洛畫浮偃波
分密坐垂露直前旒若許銘天德園青豈易儔

元真殿燒香觀太宗真宗御書仁宗飛白書并
瑞穀應制

蘭炷薰琳殿霓旌映綠莎九青真蔭遠三母睿慈多閣
道陪鑾往唐中奉詔過熙陵遺札啓禰廟寶文羅繼志
頒宸翰飛毫動偃波史臣書絕瑞鈎盾對嘉禾

奉觀御飛白書應制

聖德天攸縱慈闈寶訓崇飛毫邁古法方丈奪神功輕
素飄驚吹長煙疊遠空點孤時戲蝶波偃乍騰虹洛畫
誠難並奎躔或可同猥叨宸筆賜羽翼誓輸忠唐太宗嘗以神筆賜馬周飛白書曰鸞鳳凌雲必資羽翼股肱之寄要在忠良

皇太后恭謝太廟

中書附進

法宮裁舊典長樂奉春祠犧象華樽設旂常大路移屬
車朱總備亞裸翟章垂瑤爵因周制金根益漢儀歆馨
百祿委齋祓六宮隨往訓遵三母何階擬聖時

躬耕藉田詩

廣阡承嚴享東廡錯上儀纁裳拂黛帔綵縹映紅縻內
宰登嘉種餘夫列縹陂游場玉趾遠盡隴紺轅遲薦藁
訓農穡馨香供帝粢匪今方介祉敢續載芟詩

晚晴

萬家充積望千里絕纖埃日輟雲頭上風驅雨脚迴亂
帆爭古渡疎葉下高臺啓戶晴光入卷簾秋氣來山心
餘靄散地角亂煙堆宿鳥幽叢開殘虹遠色開脫簑人

顧步矚羽鶴徘徊茵遶枯林下萍翻曲岸隈名園添舊
筍幽石長新苔綺席誰相賀繁絃拍屢催

和集賢相公攝事出郊

台衮承嚴祀傳呼出禁城圻壇將錯事總駟暫觀耕盈
止踰周頌康哉叶舜膚滿篝登大槌首種達初萌行饁
家為黍要朋戶捧罌川長應萬耦樹密盡三荆有相神
休茂多歡國譽榮餘糧充近甸遺秉富陪京確罷春梁
熟機閑織素成休牛鳴笛起會績遠燈明路有遺金在

村無吠犬驚熙熙難徧紀徒仰泰階平

送吳興使君郎中分務歸姑蘇

罷郡歸南國分曹在別京江山適清尚圭組謝浮名桂
楫鄉人送雲漿舊吏迎夕香薰徑遠春溜斂池平累去
千憂盡中恬四體輕吟齋研賜墨釣渚濯塵纓玉樹時
方盛金鈎慶已成何妨過轍下萬壽集公卿

送鳳茶與記室燕學士詩


綠葦園規異紅滕篆印新爭先御府貢初摘建溪春膩

滑重蒼壁嬌黃聚麴塵焙痕連井字鳳刻疊龍鱗玉座

均芳旨金華寵侍臣齋心分一餅持贈輞川人

公能詩
善畫臺

閻比之
摩詰



文莊集卷三十三

欽定四庫全書

集部

文莊集卷三十六至

詳校官監察御史_臣李陽樞

檢討_臣何思鈞覆勘

滕錄監生_臣秦澐

滕錄監生_臣孫藩

滕錄貢生_臣王兆泰

欽定四庫全書

文莊集卷三十四

宋 夏竦 撰

七言律詩

奉和御製千葉黃牡丹

奉聖旨
次韻

千葉繁英吐異芳，中央瑞色藹清香。
密攢鸞羽參差折，細疊霓裳次第黃。
霧鎖天衣臨翠幄，露傾金盞瀝霞漿。
聖明盛事尊長樂，親灑宸毫奉美祥。

和御製賞花詩

禁園清蹕賞春時
水殿晴陽照翠綵
步輦乍衝僊杏葉
御衣頻拂露桃枝
風搖藥粉星星墜
日引芳陰寸寸移
帝所甚歡宮漏永
宴餘仍奉栢梁詩

奉和御製雪

寒風夜傍梁園積
花雪晨臨宋殿飛
歌儷陽春爭度曲
月承宵幌競通輝
五車洛邑延神御
八駿黃臺罷獵圍
今日雲章昭美應
眇觀千載事還稀

奉和御製清心殿水清木再連理

禁中遲日照南榮瑞木聯祥耀國經合幹舊臨宮檻密
交柯重接帝梧青華平對植行侵陞若木相輝影滿亭
况是齋心延貺地愈昭天意答惟馨

奉和御製太清樓屏風柏連理

禁園綺合羣芳茂瑞柏屏開秀色呈託植久依僊杏密
附枝俄接帝梧榮非煙結翠和風細滴露凝華曉日明
况是歲寒堅節異亭亭千載表殊禎

四月昌州奏聖祖殿下生芝草一本四莖及面

有紅光如悅懌之狀

昌元遠地凝和氣真祖僊宮發帝祺穆穆眸容分喜色
煌煌寶座秀靈芝已彰日監靈心顯更表宸敷協氣滋
元后欽崇膺瑞命殊庭薦號答繁禧

五月同州奏牡丹一枝開三花

上聖德風馳率土左馮嘉氣襲鴻英疏叢一幹迎春茂
繁艷三房表瑞呈承獻珍圖昭美應考祥花品見維禎
帝宸欽翼崇昭報薦玉燭榮極至誠

閏六月眉州奏禾生九穗

眉山遠地蜀川西九穗嘉禾忽效祺東極龍枝人莫覩
環丘玉粒世空知中和積粹名方異繁蔚呈祥事更奇
自可增封齊北里豈將同穎比繁禧

八月梓州奏廣化寺池蓮五莖各開二花

梓潼名郡蜀川東忽秀佳蓮紺宇中裊裊修莖孤引綠
盈盈雙葉對分紅絳跗相倚凝新露紫萼交垂向晚風
爰考瑞圖觀美應柳州嘉產實難同

奉和御製景靈宮迎牌

紫館成功屬盛時
道迎金榜耀文思
沉沉殿翼彌增麗
蟲蟲圭稜盡中規
祇薦寶香清吹裊
下觀颺御彩雲隨
羣心仰止興謠誦
永見千齡播緝熙

奉和御製兗州景靈宮太極觀牌登路

崇丘紫館集繁禎
躬勒璿題耀筆精
藻衛森沉登廣路
彩雲搖裊入層城
高倬曲密分都號
遠法陽寥紀殿名
真祖覽觀鴻慶茂
壽山從此倍崢嶸

奉和御製甘雨應祈

少皞九秋當季月成湯六禱動靈心中宵甘澍均豐浸
盡日層雲結遠陰銷去驕陽為瑞重招來嘉應感人深
側身修道殊千古仍叔焉能播德音

奉和御製喜春雨

太液冰銷春水生華林氣暖暮煙橫忽聞甘澍中宵降
共慶豐年上瑞呈拂地如絲籠北闕映花疑霧靄南榮
原田脉起承甘潤自此嘉生永順成

上元應制

魚龍曼衍六街呈金鎖通宵啟玉京
冉冉游塵生輦道遲遲春箭入歌聲
寶坊月皎龍燈淡紫館風微鶴燄平
宴罷南端天欲曉迴瞻河漢尚盈盈

此詩原本缺今從詩話總龜采入

帝京春日

景陽鐘盡唱隣鷄十二都門報啟扉
一帶樓臺擊落月萬家桃李待朝輝
宮槐煙暖鶯猶睡僊掌雲寒露未晞
算是五侯偏稱意遊春車馬早如飛

江南春日

江北遊人春未迴
江南春色傍人來
茶經穀雨依稀綠
花接清明次第開
場上鬪鷄金作距
檻前粧鑑玉為臺
六朝風物今何在
莫負流年酒百盃

寒食

夾城煙淡草霏霏
晉俗相傳禁火時
御苑梨花繁盛發
帝園桐嫩葉初披
塵微蹴踘人將散
雨細鞦韆索半垂
遊騎尋芳還鬪酒
九門謠誦樂重熙

春遊

豔艷春風雨半收，少年踈誕稱春遊。
將軍雪散橋邊市，騎省花開縣外樓。
草嫩玉堤藏墮珥，酒濃金盞滑歌喉。
誰能借取瑤池馬，亂踏紅塵四百州。

初夏有作

玉琯葭灰昨夜吹，日華光暖向陽枝。
東君亂點丹青筆，真宰忙揮造化推。
紅日暗長人不覺，好花偷發蝶先知。
後園無限桃李，留待新恩得意時。

江城秋思

澤國迢迢枕海涯
眼前歸思亂如麻
清秋泉石無多地
殘日樓臺有幾家
兩岸早霜紅橘柚
半汀殘雨老蒹葭
明時不見投簪客
落盡西風紫菊花

華山

三峯森翠倚雲稜
凝睇煙蘿最上層
八水亂分秦帝國
四關空鏢漢皇陵
僊羊未起眠春草
塞馬初歸放紫藤
堪惜聖朝無傲吏
夜來風月屬閒僧

滕王閣

面臨漳水勢凌霞，却倚重城十萬家。
當檻曉雲生鶴嶺，拂堦殘雨下龍沙。
辭人高宴文皆在，帝子歡遊事未賒。
好是良宵金鼓動，闌干斗逼簷斜。

江南懷古

六朝雲物更風流，澹澹煙藏古寺樓。
敵國漫輕江似帶，史臣能視橘為侯。
荒臺有鹿姑蘇晚，壞閣無香建業秋。
到了賢明出中土，莫誇歌舞霸南州。

金陵

虎踞龍盤委薜蘿臺城春雨長寒莎
梁家不覺市朝改
蕭寺只聞鐘磬多
雲樹暮堤攢劒戟
風篁虛谷轉笙歌
須知王氣隨明主
不據金陵又若何

狼山渡口有作

渡口人疎黯翠煙
登臨猶喜夕陽天
殘雲右倚江都樹
遠水南迴建業船
山引亂猿嗥古寺
雷驅甘雨過閒田
李鷹死後無歸客
江上鱸魚不直錢

感興

流年難駐且從容
莫厭多情事萬重
深院晚因留客鎖
小欄春為惜花封
家山久駐偷歸夢
庭檜清含入夜鐘
更有薄遊長記得
翠鈿遺處綠陰濃

洛中春早禱龍門無畏塔得雨

露盤金索出危岑
風卷驚塵撲翠林
五夜清場嚴佛事
一犁甘澍慰民心
聖君旰食憂應減
守吏齋誠禱更深
泛灩洛川皆帝力
好浮青鯉瑞煙尋

本宮投龍簡中使

醮罷層霄鶴吹分
夜壇香火鏤真文
羽人月筆封瑤檢
使者星馳下絳雲
藥簡薦誠川后聳
金龍傳信洞天聞
再三鵲尾添檀炷
為祝虛心佑聖君

僊姬怨

洞口垂楊拂地垂
年來期約又依違
紅桃不解留人住
白鶴何曾覓信歸
雉扇對開春寂寂
繡衣雙卷雨霏霏
無言盡日雲邊立
不許霓裳按羽衣

宮詞

柳帶分陰接殿基笙歌還擁翠華歸前宮曉緒勻粧臉
別館春紅曬舞衣槐影對籠苔點細桐花西倚夕陽稀
夜來夢上檀香閣猶映珠簾避貴妃

秋日江館喜彈琴羽人至

水館淒清天一涯喜逢僊蓋駐靈芝煙霞初散海中會
風雨忽來江上期琴軫玉寒彈宿露酒卮金暖對朝曦
圮橋書在如相授不獨留侯是帝師

喜馬少保致政

世機無路惱天真心地逍遙萬象新
久戍金河歸塞客却浮鯨海到家人
靜封藥竈移文火閒看花陰上舞茵
應笑公侯方內熱六街奔走利名塵

送江寧相公

六朝臺榭好山川丞相遙分造化權
兩府規模遵故事二南風什聽新篇
平反庶獄棠廬外約束諸侯玉帳前
莫訝依依戀行色壽藩書命最多年

相國初拜衛翼
之命叨掌除書

送太傅相公居留洛宅

梓澤芝田尊帝里玉符金鑰委台司家傳舊節居連帥

元帥忠懿王昔昨王南陽公復以武勝節制居守繼長諸侯

史作新書贊父師留府

橐鞬分騎引都門圭組闔班辭共驚河洛初開輿一日

龍光四海知

上即位作述多祕禁中至是賜公詩一章寵行天下榮之

送濟南杜郎中

秋樹參差墮葉紅剖符還過故鄉東星分北陸龜蛇內

位應哀鳥太紫中亭傳宛如行部日

公曾司京東漕輓

冠纓猶

帶觸邪風

公曾
歷臺

寒泉豈是無人塞應待君侯立事功

送修撰楊學士留守南京

畫船推鼓忽東浮留幕賓從候舳艫宮裏銅魚勘門鑰
府中銀兔合軍符鳴騶苑路人千騎送客河橋酒百壺
莫為文章還自苦驚池龍岫且遊娛

送王端公充荆湖北路轉運

錦衣驄馬好還家大別山邊漢水斜霜簡位高增意氣
金章恩重有光華幾程蠻徼雲藏驛一棹荆江月照沙

多少朝簪鬢成雪願君休訪楚山茶

送李殿院知防州

屈草聯芳映法冠亭亭風度聳朝端一麾出守秦城近
千里班春漢詔寬引道畫旗迎馬重褰帷霜簡照人寒
都門迴首多離緒寶瑟淒風別酒闌

送蘇臺守受代歸朝

香案當衙拜鳳書使君旌節下姑蘇賓朋唱和詩千首
耆幼扶攜酒百壺野樹遮藏過建業亂山迎送出江都

西風不得同歸去紅藕花邊望舳舻

送新恩善濟處士歸玉笥

蠲疴妙劑分黃閣駐景僊山奉紫閣太秀山川須長價
少徵星宿已增輝幅巾不被塵纓縛別笈唯封賜藥歸
侯鶴鳴猿好相候利名無染世還稀

送人遊關右

朝曦輕抹柳梢長歌徹郵亭飭去裝鶉首右瞻秦分野
虎牢西入漢關防溫泉雨霽離宮碧麟時沙驚塞日黃

如訪平戎最長策不徒鞭馬為詩忙

送人入越

廣陵江口柳疎疎自領笙歌上舳舻一片曉山迎越絕
數程春水背姑蘇蓮供晚果蜂房細鱸市朝餐線縷麤
他日功成待相訪謝家煙月借人無

送人之淮西

五里亭前一送君碧油紅旆駐清塵半軒晚日淮西路
數拍離歌江上春杜宇有情移別樹野花無主傍行人

男兒多少醺恩地不欲東風淚滿巾

寄張相公

台司金印護諸侯沖氣均和耐素秋戶牖舊謀方倚重
苑裘前計合遲留豈同少傅輕辭漢況有維師永佐周
秉燭家園且行樂即應重起濟川舟

春日寄陳舍人

濃淡晴霞泛夕陽重重煙藹護流芳花殘遠渡曉風急
路入層雲春夢長結蕙翠光留蝶舞含桃紅實駐鸞嘗

可憐得意文章客
危蹕西園月桂香

題東林寺

昔帝先賢跡未消
森沈臺殿鏤山嶢
新蓮照水香空在
舊葦生塵翠已凋
夾道古藤看翳日
過谿蒼蘚半侵橋
遠公前意無人會
空對清風望寂寥

崇勝寺

山當廬阜五峯邊
地占侯谿好習禪
香藹峰巒雲蔽日
叅差樓殿瓦生煙
僧房宿鳥棲簾外
客館鳴泉過枕前

但可登臨閒訪古西來無法與人傳

觀夜醮

萬條銀燭間靈旗一片清香匝玉墀羽帳星辰來不覺
僊壇冠帔立多時紅桃裛露風初細白鶴迎雲月漸遲
試託東皇問蕭史鳳簫應許借人吹

話道

清淨無營即自由神僊何必待人求秦皇多詐死猶諱
漢武窮兵老未休巨費漫悲徐市藥怪書空驗少翁牛

須知方寸真元意不在層城十二樓

赤城

丹壁排空疊綵虹上真應此駐靈蹤
烟沉曉日明孤頂雲破餘霞出半峰
巖下法師曾伏虎洞中僊客屢投龍
他年翠蓋東巡狩玉牒終須受大封

案此詩原本闕今據北宋人小集增

文莊集卷三十四

欽定四庫全書

文莊集卷三十五

宋 夏竦 撰

七言排律

奉和御製龍圖閣觀書

是日觀太宗御書

切雲層閣倚龍城，霜素緹油聚壁經。
嚴召近臣容侍從，載賡宸唱樂清寧。
神宗燕翼垂貽訓，地寶昭彰顯瑞形。
芬馥芸香飄紫禁，煒煌金刻照彤庭。
龜陳洛畫開瑤檢，弦泛薰風出黼局。
自慶孤生逢旦暮，媿無嘉頌贊明馨。

奉和御製奉祀禮成宴

真塲薦壘方回蹕泰時欽柴既受禧壁散九行頒寵宴
翠綏三接慶昌期露晞朝景彰慈渥風扇微和表聖時
羽籥動容分廣砌旂旂交影上丹墀瓊跼拜賜承天意
絳羽來儀識鳳姿向晚栢梁傳睿唱帝臺春箭更遲遲
奉和御製內苑嘉穀

淵聖欽明撫庶氓齋居勵翼御彤庭天田播種勤農事
雲稼流祥耀國經瓊粒蕃滋爭結穰龍枝屈曲競分形

搖風秀色交卿霑垂穎餘光近帝星茂遂豈同葉葉異
殊尤全掩鳳冠靈連莖五七踰成數實表皇穹鑒德馨

奉和御製玉清昭應宮天書閣告成

飈馭告期宵寤協紫虛疇德秘符呈誕膺顧誕營恭館
仰悟威神奉太清密石礱磨鳩郢匠非煙騰瑞集周禎
上侔帝闕規模麗遠掩迎年憲度明將闕王文藏綠蘊
載崇金閣對丹城高陞彩制修梁直永據柔靈寶勢貞
飛陞緣雲彌岌業重纓倚漢益崢嶸良辰涓選繁禧茂

嚴蹕臨觀懿禮成慶賜春流均盛食真香雲涌薦明誠
薰絃濬發斯干詠丕顯鴻猷洽治平

奉和御製玉清昭應宮玉皇大殿告成

三聖重熙鴻業茂百靈申錫寶符彰寅恭清淨函無象
顧諟高明順秉陽法馭省巡修廢墜真宮經始報祺祥
棟升文杏觚稜峻殿啟真琳玉瑱方九帳盛儀陳宴衍
六莖清奏助歡康開軒瑞氣凝空碧駐蹕晴輝艷赭黃
珠樹移陰從帝圃霓旌分影自仙鄉宸游悅豫同襄野

睿藻昭回邁柏梁
黎庶縱觀爭嘆詠
侍臣嘉頌極游揚
靈休錫羨淳風振
永播聲名浹四荒

奉和御製國學太宗皇帝御書閣告成

神宗濬哲通三變
善繼文思洽萬方
高倚叢楹藏鳳紐
密鑿溫石鏤雲章
素風暢茂增鴻慶
景耀騰凌發美祥
廻據日畿分寶勢
遠承雲路抗飛梁
推恩宥幣班中帑
式宴朝纓集上庠
更仰紫宸敷睿唱
夏弦春誦永游揚

奉和御製九天司命降臨

緝熙綿寓肅邊疆蕃祉紛綸顯阜昌真馭告期通夢寐
嚴宸精意潔壇場青煙漏上盈中禁碧輦宵分下彼蒼
照地輝光蒙鶴燄靄人嘉氣雜蕭薌峒山順拜鴻儀展
太古靈源密命揚載仰金姿唯睟穆稍瞻雲謁更輝煌
曉霞微動觚稜峻弦月斜明玉璫方丹鳳卷旗嚴藻衛
綠車旋軫向仙鄉春祺渙汗均流慶睿唱昭廻紀降祥
萬國頌聲皆載路巍巍馨烈邁成康

奉賀御製靈應瑞石

沉潛毓粹生嘉石宥密開祥契上穹降聖遠期真馭協
卜年遐祚寶符同負殊延喜靈珪上詎比昭華瑞琯中
隱起玉文非篆隸混成環狀豈磨礱彌彰帝厯休祺茂
永叶仙源統緒隆欽翼春懷數睿藻巍巍千祀仰惟聰
奉和御製朝元殿朝謝玉皇大帝

三清右序儲繁祉萬乘欽明答上穹聖化誕敷書軌混
僊游昭假地天通靈輝熠煜充丹禁瑞霧微翳碧空
積累有開鴻緒遠顧懷無際慶基隆精心展彩威顏肅

法曲迎真睿藻融象舞在庭功負異寶符先道古難同
奉朝嘉服祇羣后贊帝鴻儀儼上公神爵乍臨香馥郁
喬雲低映樹青葱潔粲裡薦升嚴陞蒼壁高蟠照曉風
宣室受釐均大賚洋洋春澤浹區中

奉和御製朝謝玉皇大帝致齋夜天書道場觀
鶴下臨

紫皇齋被感青冥仙驥徊翔瑞氣平百和真香凝玉羽
九枝芳燄動星精遠辭金闕銜靈命俯瞰瑤臺效帝禎

矯翼乍侵龍旆影揚音微雜鳳簫聲應須置祀昭神異
豈止登歌紀聖明藻衛仰觀皆率舞益知天意合三清

奉和御製奉安聖像禮成

琳宮昏宇象清都金閣叢楹閎寶符昭假僊游彰霄緒
範鎔真像極規模精衷欽翼明威顯近輔恭迎茂典敷
美應荐臻書不絕靈期先定日無渝徘徊瑞羽臨旌旆
天矯飛龍上舳艫齋幄接神珪壁異景與迎聖羽儀殊
熒煌寶座安三境軀煦鴻恩下九衢深慶小臣叨奉蹕

翠綾華組耀微軀

奉和御製先天節上清宮道場香合內獲金

龍

元真降治祐生民紫館空歌協吉辰芬馥鵲鑪蘭注裊
盤縈鈿合翠龍臻陰凝珠樹飛鱗密影拂霓旌瑞角新
月駟雲螭徒駿逸碧鷄金馬謾璘彬會駟蚪輦昭靈異
終接飈輪奉聖神願復水官修泰御紀年何足播芳塵
奉和御製恭謝天地禮成

元真密海惟疇德耀魄靈猷務降衷僊里肇禋尊妙道
國陽嚴配報層穹百神右序儲蕃祉羣后寅威仰聖風
聲震山淵踰日際澤流根葉徧區中考熙茂範登虞舜
積累遙源屬帝鴻柔遠九垓書軌混凝休千載帝天通
賡歌紫禁唐文盛第頌青緗漢德融盛業巍巍心翼翼
古今能事集皇躬

奉和御製真游殿告成

均和玉燭成冬夕疇聖珍符紀瑞年八景鳳輿臨紫禁

九微龍縹照祥煙森沉藻衛僊游接粹穆真儀聖誨宣
濬發璿源開物始密敷鴻蔭肇基先良金肖像鎔三品
寶殿新規度九筵綺棟虹陞初矯爾丹楹叢倚倍森然
高侔帝所威神備廻據坤靈勢勝全雲崔嚮陽明翠羽
玉題承月燦珠躔元龜協吉休符茂盛藻迎祥睿志虔
璧散示慈恩正洽斯千流詠降瓊牋

奉和御製與天下臣庶恭上玉皇大帝天帝聖
號

皇皇至德召和平茂烈馨香已告成祇報元符營紫館
欽崇上帝薦鴻名夤威潔志通三境宥密真游降九清
淳耀先期觀道祕休成協吉順天正瓊干文彩雲幡列
金簡熒煌玉宇呈藻衛導迎揚盛則靈場陟降極精誠
繇區率籲民胥悅篆素鋪觀古未行廣樂乍兼簫籟響
仙風微動珮環聲飈煙層宙祥輝涌稱慶齊闡瑞氣生
道蔭符通嘉應集中宸繁貺永充盈

奉和御製五岳觀告成

嶽鎮明神屢降康聖心尊奉禮文揚徽名祇薦昭殊典
祕宇欽崇報美祥曲沼甘泉秋湛湛浮榮嘉氣曉蒼蒼
金釭銜壁流繁影雲雀躑躅耀采章祇祇王靈涓吉日
密磬文杏架修梁都人霧集鴻儀盛帝御天臨絜志彰
宸唱茂宣昭峻極春祺紛委顯蕃昌升平更屬西成日
擊壤歡謠徧井疆

奉和御製玉清昭應宮成

中宸夜駐飛廉轡東闕朝迎綠錯篇祇建寶宮朝睟象

載崇金閣奉真銓高倅紫極威神異迴據柔靈勝勢宣
轟轟端平規景叶煌煌豐麗聖功全承隅陽馬層雲隔
鳴磬花臺曉色先別笈籙緘龍印字清壇香奏鵲鑪煙
流泉灌注通河漢列館回環接洞天王籟琅璈鸞競舞
藥書金簡鶴爭傳米梁虹指祺祥集銀榜星分慶賞延
永鎮帝居資曼壽五城奚取漢迎年

奉和御製會靈觀甘露

岳靈飛觀聳神州上聖欽崇德日休嘉露霄零甘特異

貞條膏被勢何稠崑山寶器今初貯漢苑仙盤昔未浮
自可紀年昭瑞應更殊添海助洪流堇荼變味承餘潤
圖牒騰芳煥大猷願采朝華和美玉仰資宸筭倍千秋

奉和御製冬至

漢門候景嘉辰啟魯觀書雲協氣升玉琯飛灰新節應
璿霄合璧瑞華凝陽芸初動猶兼雪柔荔將芳尚隔冰
繁祉建元名已肇殊庭備物禮將登黃龍甘露誠難擬
泰時甘泉豈足稱共慶帝辰延百福巍巍千載庇黎蒸

奉和御製恭謝南郊

高真降佑開鴻業
哲后祈禱福下民
靖館齋心成鉅典
嘉壇報貺奉嚴禋
時遵夏歷春當孟
禮憲周郊日在辛
圖籙先登符命顯
祖宗昭配孝思伸
侍祠卿士衣纓列
隨兆星辰俎豆陳
穆穆蒼靈潛卮蹕
寥寥風伯豫清塵
再登午陞虔誠達
三燭奔精美應臻
萬壽無疆增介祉
永蠲牲玉事神明

奉和御製慶先后升祔禮成

事地有嚴彰至德顯親為重化含生永懷慈景心追孝
載舉鴻儀月就盈徽冊欽崇昭懿鑠太宮祇祔極誠明
黃髮進裸精衷達小呂登歌茂禮成式宴外庭均大慶
受釐恭館洽維禎薰弦遠播思齊頌億載垂鴻廓帝絃

文莊集卷三十五

欽定四庫全書

文莊集卷三十六

宋 夏竦 撰

七言絕句

奉和御製藉田詩

紹休文祖盛儀陳戴耜東耕協仲春冕服遠推踰古制
須知明主為生民

奉和御製皇太后恭謝太廟

聖哲因心邁古先親裁禮樂定犧牲裸成文母膺鴻祐

永指南山比壽年

奉和御製幸金明池

睿藻昭回侔列緯時龍順豫體蒼旻豈同周穆臨瑶水
凱樂雍容浹庶民

御閣春帖子

金盤曉日融春露黼帳鮮雲陰瑞香聖壽永同天地久
南山何足比延長

冰消太液生春水上披香積瑞煙喬嶽告成鴻慶遠

垂衣無事永千年

天人道洽真游降禪祀功高帝業昌迎氣東郊風乍暖
受釐中禁日初長

九門和氣衝魚鑰層宙祥飈起鶴雲王澤下流慈煦遠
萬方歌舞戴明君

青達布序韶暉盛紫禁乘春樂事多海域晏清無夕慮
齋居宣室順天和

寒梅吐艷風初應步輦宣游日漸遲道蔭無涯真緒遠

永康寰海茂春祺

內閣春帖子

青遠布序和風扇紫禁延禧瑞日長
佇看親蠶臨繭館
永觀彤管播聲芳

椒花獻歲良時啟彩鷺迎春淑氣來
仰奉帝慈方秀出
吹簫看築鳳凰臺

東郊候氣迴青輅北闕迎祥闢紫闈
大庇羣生承寶緒
永敷春澤播鴻徽

銀箭初傳暖律延
微和漸扇物華妍
彩幡紅鏤宜春字
永奉宸慈億萬年

青陽乍整蒼龍駕
紫宙初凝白鶴雲
曼壽無疆真蔭遠
九重嘉氣日氤氲

緹室葭灰飛候管
彤闈天路起和風
六宮永被河洲化
穆穆芳猷佐聖功

三星分曜輝宸漢
九禁迎春啟令辰
仰奉椒闈宣內治
湛恩鴻慶永如春

壽春郡王閤春帖子

穆穆韶華生紫禁
遲遲春箭下青宮
良辰已慶加元服
大國爰聞拜景風

綬室葭灰飛律管
鳳闈春色動年芳
仙源積慶誠無際
永戴宸慈襲美祥

日上苑梅凝素艷
雪晴宮柳弄青條
已觀壽土封東國
即看懷金奉內朝

異表英奇非世出
惠心通敏盡生知
更當淑景承慈煦

永奉嘉祥茂本枝

御閣端午帖子

續命彩絲登繭館長生金錄獻琳宮百靈拱衛天居峻
萬國歡康帝業隆

金縷開辰分五色長絲獻壽祝十年垂衣日月承嘉慶
真祖颺游正在天

僊園采藥回彫輦禁殿迎祥啟鳳闈四海樂康民富壽
穆清無事永垂衣

彩絲祝壽芳辰啟紫禁凝旒瑞日長億兆歸仁天祐德
綿綿真蔭永無疆

絳臺丹筆書金錄紫殿瑤箱獻巧衣億載延鴻資睿算
百祥重沓擁宸闈

太官角黍迎嘉節上聖齋居襲美祥金闕鑒觀真緒遠
永延鴻慶庇多方

尚方綬帶迎嘉節中禁彤闈納美祥疇德珍符方瑞聖
後天宸壽永無疆

太官角黍初晨啟法坐垂衣介福隆億載昌期方赫奕
九天真蔭永延鴻

賜羹佳事傳青簡續壽長絲獻紫宸帝祉薦彰符盛德
聖心勤恤為生民

五色綵絲初獻壽九重嘉氣頌長生庇民精意方虔輦
垂拱仁風更穆清

浴蘭襲祉良辰啟握紀無為聖道尊烏奕嘉祥充九禁
冲融和氣徧千門

八龍焜燿長生錄五采歲縑續命絲億載延長資睿算
萬區康樂遇昌期

皇后閤端午帖子

迎祥競獻雙條達續壽初纏五色絲共仰齋莊隆內訓
永觀蕃衍茂仙枝

璧沼水嬉飛隼渡瑤箱命縷彩絲新親蠶禮畢無餘事
夙佩珩璜奉紫宸

千門朱索迎嘉祉九禁椒塗納美祥虔奉黼帷承渥惠

慶隆禔石美祥新

十門襲吉紫朱索九禁開晨闈紫闈宮漏正長天睠重
永宣芳訓率三妃

日記采蘭追楚俗化孚流行誦周詩肅恭懿德垂彤管
九御歸心百福宜

中閨正肅鳴環節吉日爰逢采木時億載繁禧同聖壽
百男鴻慶茂仙枝

點畫諸宮初獻巧裁縫中禁又迎祥周南永播河洲化

仰佐鴻明燭萬方

郡王閣端午帖子

對日惠心時共仰
沐蘭嘉節慶長絲
仰承中緒隆天愛
永奉祥祺襲太熙

彤闈永奉千年慶
金策將封一字王
佇向景風承異渥
預從佳節納多祥

五色彩絲頒禁殿
千齡嘉慶集藩房
玉堂絃誦依真館
日日靈心降美祥

崑山瑞玉題真篆閨苑蟠桃刻印文並獻春閨延美慶
億年嘉氣永氤氲

淑妃閣端午帖子

蕤賓布序逢良月條達延祥記令辰仰奉椒塗宣內治
永昭芳譽冠虞嬪

芳園踏草迎嘉節紫掖鳴環奉鞠衣渥惠日新鴻慶遠
永隆徽序耀層闈

萬寓清和當聖日十門採拾邁良辰上真鴻緒宜蕃衍

從此高襟美應新

宴寢奉朝鳴采玉良辰襲慶表長絲仰承中壺垂芳裕
永播周南逮下詩

廷試

殿上衮衣明日月硯中旗影動龍蛇縱橫禮樂三千字
獨對丹墀日未斜

和太師相公秋興十首

原上西風馬力生折膠時候正淒清功名未立頭空白

却憶金徽萬里行

亭臯危葉乍經霜過盡驚鴻落吹長閒上層樓待初月
方壺殘漏下三商

螢光照水星星度鴈陣橫空字字移何處佳人惜團扇
玉堦烟葉動輕颺

苑樹殘蟬送遠愁懶將衰鬢照清流歸來自掃東園葉
學灌寒蔬備晚秋

水榭涼生暑氣銷踈螢點點漏迢迢明河案戶蒼龍轉

只有匏瓜綴碧霄

沉沉池閣乍涼天坐愛蓮薰夜不眠却憶北門曾候對
半簾斜月玉堂前

相府新秋宴席開西湖珠履踐蒼苔白頭舊吏方奔走
不得抽毫逐上才

遙思漢闕雨新晴天際微雲夕吹生沆瀣氣涼僊掌廻
滿盤宵露結珠英

河漢西傾火漸流露華微冷透輕裘何當弄鳳隨驚吹

直上層城十二樓

彤管少文堪約史
霜戈無藝可防邊
孟諸蒼莽平臺遠
坐對秋光又一年

青州

日上西山舞鸞鶴
波翻碧海鬪蛟龍
直鈎到了成何事

消得君王四履封

此詩見東軒筆錄以為王沂公曾當國鄭公為翰林學士欲撼之而作原

本缺今采入

江州琵琶亭

年光過眼如車轂職事羈人似馬銜若遇琵琶應大笑

何須涕泣滿青衫

此詩原本缺今從中山詩話采入

狎鷗亭詩

元化平分荷大鈞左符新刻玉為麟南湖特地栽桃李
擬伴沙鷗過十春

海鴈橋邊綠水深絕無塵土近花陰忘機不管人知否
自有溪鷗信此心

書懷

黃閣有賢圖國計
皂囊無黨害邊功
河湟飲馬無難事
一點沙塵在目中

到任後作

功兼文武帝師臣
久厭崇高樂退身
任是東山無限好
謝公爭忍負生民

西廳

階除盡日微風度
簾幙先秋暑氣還
莫訝使君臨案久
雨晴端正見南山

宮詞

鬢攏春煙濕翠翹石榴裙慢裊纖腰絳脣不敢深深注
却怕香脂污玉簫

新染羅衣窄地紅喜迎天仗宴春風歌詞若入君王聽
不惜新聲教六宮

古意

重上青樓拂蛛網却勻愁黛對菱波也知新舊爭多少
敢話機頭織素多

漁者

讀徧龍韜事可知一竿閑把直釣垂秋來江上西風急
且繫扁舟卷釣絲

觀藏珠

敏手機心頗自安遮藏有路巧千般主公當面無因見

只怕旁人冷眼看

此詩出宋文鑑原本缺今補入
墨客揮犀云丁晉公與夏英公會宴

齊宮伶人有雜手技號藏掖者在焉丁顧夏曰古無咏
藏掖詩內翰可作一首即席獻詩云舞拂跳珠復吐丸
遮藏巧技百千般主公端坐無由見卻被傍人冷眼看
東軒筆錄載此事又易藏掖為弄筵注皆與文鑑小異

故附錄焉

安撫狀元內翰還朝復命再獲候迎先附短章

以代片幅

兩朝西掖舊詞臣
蘄苦冰寒四十春
霜雪滿頭塵滿袖
自慙重見玉堂人

送張逸人二首

上公詩筆千金重
逋客歸裝一棹輕
莫向青山更招隱
且留賢哲濟蒼生

徘徊獨鶴翻清景
容曳孤雲下絳霄
朝市山林本無異
前賢出處盡逍遙

到任涇州寄長安府學諸先輩

半載秦川令始行
論文猶未款羣英
橫戈且趲從軍樂
不及期年待政成

聞勸農二使渡江訪胡丞隱居

宅臨殷羨投書渚
門擁維摩問疾人
詔使艤舟應訪道
雨花交影隔西津

咏鳳

千仞翱翔覽德輝成湯解網四靈歸
梧桐欲下還驚去悄悄飢鷹掠樹飛

聞鶯

春光容與曉風高花映金塗見羽毛
莫訝綠楊留不住內園新雨熟含桃

咏鷹

獲自野羅知性巧飼之鮮食已恩豐
下韝未便隨人意

須是經春更一籠

再從西都詠青雀寄張昇諫院

弱羽傷弓尚未完，孤飛誰敢擬鴛鴦。明珠自有千金價，

莫為遊人作彈丸。

此詩原本缺，今從古今詩話采入。又案魏泰東軒筆錄載此詩，傷弓作輕

弦，尚作勢，誰敢作殊，不明珠作黃金，千金價作雙南貴，為作與其文小異，附識於此。

厩馬

萬里無塵塞草秋，玉輪金輅未巡遊。上林苜蓿天池水，

飽食長鳴可自羞。

薔薇

紅房深淺翠條低
滿架清香敵麝臍
攀折若無花底刺
豈教桃李獨成蹊

檻竹

廣厦長廊四面圍
小欄霜雪兩三枝
簾帷壅蔽無人見
賴有中天日照知

花檻

夢中作

曲檻橫欄百寶裝
春風容冶看人狂
孤松瘦栢無顏色

只有青青待雪霜

題華嚴經詩

黼幄思賢已再三
詔書將拆紫泥緘
嘉言一句利天下
何必金文更徹函

寄傳法二大卿并簡譯席諸大士

譯案多年潤法音
性根雖鈍信根深
無明不起冤親等
應有龍天證此心

潤色金文數十函
清涼甘露洗塵凡
修行不作伊蘭計

只願三千盡寶嚴

雪後贈雪苑師

雪山修道六年成
雲滿長空雪滿庭
便向箇中登覺地
何須臘月待明星

玉界瓊田萬頃平
一年光景一番新
苑中又見梅花發
信手拈來總是春

千嶂崔嵬雪裏看
東風一夜捲餘寒
巖前溜玉知多少
漲起西江十八灘

老去方知行路難此心正要覓人安
室中半偈如聞得便作當年立雪看

偶成

非才偏歷清華地悟佛方為止足身
浮名浮利莫相試三十世界一微塵

保庇孤根逢聖主矜修晚節順天機
空門自有清涼地不向紅塵議是非

燕雀紛紛出亂麻漢江兩岸使君家
訟庭永日無留事

一任啁啾到日斜

按詩話胡旦秋監性褊躁居襄陽夏英公常師事之及公貴達胡尚以故

舊眠公公出鎮襄陽一造馬謂公曰讀書乎曰郡事少暇比只作得燕雀一詩因為誦之胡自是少載

詩餘

喜遷鶯

霞散綺月沉鉤簾捲未央樓夜涼河漢截天流宮闕鏤

新秋 瑤堦樹金莖露鳳髓香和雲霧三千珠翠擁宸

游水殿按梁州

按青箱雜記云夏公初授館職時方早秋上夕宴後庭酒酣遽命中使詣公索

新詞公問上在甚處中使曰在拱宸殿按舞公即抒思立進此詞上大悅此詞大典本闕今補入又樹字雜記

原本缺以避英宗嫌
名也今據文義增入



文莊集卷三十六